



13 DEC, 2022

STEP pemangkin belia sertai bidang keusahawanan

Utusan Borneo Sarawak, Malaysia



Page 1 of 2

STEP pemangkin belia sertai bidang keusahawanan

KOTA KINABALU: Program Kemahiran Sabah Talent Entrepreneurship Program (STEP) menjadi pemangkin penglibatan golongan belia dalam bidang keusahawanan.

Timbalan Setiausaha Tetap Kementerian Sains, Teknologi dan Inovasi (KSTI) Maria Chong berkata, kerajaan negeri melalui KSTI sentiasa bertekad untuk melahirkan lebih ramai usahawan yang berjaya melalui pelbagai program kemahiran khusus

kepada golongan belia.

“Penglibatan belia dalam bidang keusahawanan berjaya meningkatkan daya saing ekonomi negeri dan negara selain mampu mewujudkan peluang-peluang pekerjaan baharu.

“STEP adalah program kemahiran di bawah Rancangan Malaysia Ke-12 (RMK12) bertujuan mendekati golongan sasaran yang berbakat dan berpotensi bagi melahirkan usahawan berdaya saing.

“Pihak kerajaan akan terus

menyokong para usahawan dan akan berusaha dalam melahirkan lebih ramai usahawan di negeri ini khususnya dalam pembangunan sosio ekonomi keluarga, kesejahteraan rakyat dan secara langsung menyumbang kepada kestabilan ekonomi serta kemakmuran negara,” katanya.

Beliau berkata demikian ketika berucap pada Majlis Penyampaian Sijil STEP: Program Pemasangan dan Penyelenggaraan Gentian

Optik serta ‘Mobile Air Conditioning Technician’ di sini.

Pada majlis itu, Maria menyampaikan sijil tamat kursus kepada 40 peserta kursus Pemasangan dan Penyelenggaraan Gentian Optik serta ‘Mobile Air Conditioning Technician’ selama tiga bulan bermula pada 12 September yang lalu.

Turut disampaikan, Anugerah Pelatih Terbaik Program Pemasangan dan Penyelenggaraan Gentian Optik serta

Anugerah Pelatih Terbaik Mobile Air Conditioning Technician masing-masing kepada Mohd Syahmi Akmal Samreh dan Fazir Hassim.

Hadir sama, Pengarah JPSM Tianinun Iping; Timbalan Pengarah JPSM Negeri Sabah Dayang Norsiah Awang Duraman; Ketua Pegawai Eksekutif Akademi Binaan Malaysia (ABM) Wilayah Sabah Tadzul Radim; serta Ketua Pegawai Eksekutif Pusat Latihan Aeroangkasa KKIP Aminuddin Zakaria.



TAHNIH: Mohd Syahmi (tengah) menerima hadiah Anugerah Pelatih Terbaik bagi Program Pemasangan dan Penyelenggaraan Gentian Optik daripada Maria (tiga kiri), sambil disaksikan Tianinun (dua kiri) dan Aminuddin (empat kiri).



13 DEC, 2022

STEP pemangkin belia sertai bidang keusahawanan

Utusan Borneo Sarawak, Malaysia



Page 2 of 2

SUMMARIES

TAHNIAH: Mohd Syahmi (tengah) menerima hadiah Anugerah Pelatih Terbaik bagi Program Pemasangandan Penyelenggaraan Gentian Optik daripada Maria (tiga kiri), sambil disaksikan Tianinun (dua kirildan Aminuddin (empat kiri).

K O T A KINABALU: Program Kemahiran Sabah Talent Entrepreneurship Program (STEP) menjadi pemangkin penglibatan golongan belia dalam bidang keusahawanan.